

Bosna i Hercegovina
Brčko distrikt BiH
URED-KANCELARIJA ZA REVIZIJU
JAVNE UPRAVE I INSTITUCIJA
u Brčko distriktu BiH



Босна и Херцеговина
Брчко дистрикт БиХ
КАНЦЕЛАРИЈА-УРЕД ЗА РЕВИЗИЈУ
ЈАВНЕ УПРАВЕ И ИНСТИТУЦИЈА
у Брчко дистрикту БиХ



Bulevar mira b.b., zgrada Delta 2, telefon 049 218-220, faks 049 218-438
Булевар мира б.б., зграда Делта 2, телефон 049 218-220, факс 049 218-438
www.revizori-bdbih.ba

Broj: 01-02-03-13-205/11
R: 03-03;010-03/11

IZVJEŠTAJ
O REVIZIJI FINANSIJSKOG POSLOVANJA
ODJELJENJA ZA PROSTORNO PLANIRANJE
I IMOVINSKOPRAVNE POSLOVE
za period 1. 1. - 31. 12. 2010. godine

Brčko, maja 2011. godine

SADRŽAJ

NEZAVISNO REVIZORSKO MIŠLJENJE.....	3
REZIME DATIH PREPORUKA	5
1. UVOD	6
2. OPĆI DIO.....	6
3. PREDMET, CILJ I OBIM REVIZIJE.....	6
4. OSVRT NA NALAZE I PREPORUKE PRETHODNE REVIZIJE.....	7
5. NALAZI I PREPORUKE.....	7
5.1. Rukovodstvo i sistem internih kontrola.....	7
5.2. Planiranje i izvršenje tekućih izdataka.....	8
5.3. Planiranje i izvršenje budžeta kapitalnih potreba.....	9
5.4. Ostvarenje prihoda.....	9
6. KOMENTAR	10
PRILOZI.....	11



ODJELJENJE ZA PROSTORNO PLANIRANJE I IMOVINSKOPRAVNE POSLOVE

šefici Odjeljenja Svjetlani Čivčić

NEZAVISNO REVIZORSKO MIŠLJENJE

Predmet

Izvršili smo reviziju finansijskog poslovanja Odjeljenja za prostorno planiranje i imovinskopravne poslove (u daljnjem tekstu: Odjeljenje) za period 1. 1. - 31. 12. 2010. godine, te reviziju usklađenosti poslovanja sa važećim zakonskim i drugim relevantnim propisima.

Odgovornost rukovodstva

Rukovodstvo je odgovorno za finansijsko poslovanje Odjeljenja i usklađenost poslovanja sa važećim zakonskim i drugim propisima, programom rada i odobrenim pozicijama budžeta. Ova odgovornost obuhvata: osmišljavanje, primjenu i održavanje internih kontrola koje su relevantne za sprečavanje i otkrivanje materijalno značajnih grešaka u finansijskom poslovanju Odjeljenja.

Odgovornost revizora

Naša je odgovornost da izrazimo mišljenje o finansijskom poslovanju na osnovu izvršene revizije. Reviziju smo izvršili u skladu sa Zakonom o reviziji javne uprave i institucija u Brčko distriktu BiH (Službeni glasnik Brčko distrikta BiH, broj 40/08) i INTOSAI standardima revizije. Ovi standardi nalažu da radimo u skladu sa etičkim zahtjevima i da reviziju planiramo i izvršimo na način koji omogućava da se, u razumnoj mjeri, uvjerimo da finansijsko poslovanje ne sadrži materijalno značajne greške, te da je poslovanje usklađeno sa važećim zakonskim i drugim relevantnim propisima.

Revizija je uključila sprovođenje postupaka u cilju pribavljanja revizorskih dokaza o usklađenosti finansijskog poslovanja sa zakonskim i drugim relevantnim propisima, odobrenim i izvršenim pozicijama budžeta. Izbor postupaka je zasnovan na revizorskom prosuđivanju, uključujući procjenu rizika nastanka materijalno značajnih grešaka u finansijskom poslovanju. Prilikom procjene rizika, revizor razmatra interne kontrole koje su relevantne za prezentaciju finansijskog poslovanja, u cilju osmišljavanja revizorskih postupaka koji su odgovarajući u datim okolnostima, ali ne u cilju izražavanja odvojenog mišljenja o efektivnosti internih kontrola.

Smatramo da su pribavljeni revizorski dokazi dovoljni i odgovarajući i da obezbjeđuju osnovu za naše revizorsko mišljenje.

Kvalifikacije

Nakon obavljene revizije finansijskog poslovanja, skrećemo pažnju na sljedeće:

- *Neuspostavljen cjelovit i adekvatan sistem internih kontrola imalo je za posljedicu nedosljednu primjenu zakonskih propisa u dijelu: planiranja bruto plata, primjene propisa o javnim nabavkama, neefikasnom korištenju budžeta kapitalnih potreba, izdataka za reprezentaciju i poklone, kao i planiranju i kontroli ostvarenih prihoda.*
- *Trošenje budžeta kapitalnih potreba iz 2007. godine u iznosu od 563.261,60 KM je nastavljeno i u 2010. godini, što je suprotno članu 6 Zakona o budžetu Brčko distrikta BiH.*

Mišljenje

Po našem mišljenju u finansijskom poslovanju Odjeljenja u periodu 1. 1. - 31. 12. 2010. godine, osim navoda iz prethodnog stava, nema značajnih neusaglašenosti sa važećim zakonskim propisima kao i planiranim pozicijama budžeta.

Zamjenici glavne revizorke

Glavna revizorka

Tomo Vozetić, dipl. oec.

Dževida Hodžić, dipl. oec.

Božo Zimonjić, dipl. oec.

REZIME DATIH PREPORUKA

Izvršenom revizijom finansijskog poslovanja Odjeljenja za 2010. godinu konstatovali smo određeni broj propusta i nepravilnosti, a u cilju otklanjanja istih, dali smo sljedeće preporuke:

- *Radi efikasnosti u radu, potrebno je realizovati programske zadatke Odjeljenja u tekućoj godini.*
- *Potrebno je planirati sredstva za bruto plate u skladu sa Zakonom o budžetu Brčko distrikta BiH i Pravilnikom o načinu pripreme zahtjeva za izradu budžeta Brčko distrikta BiH.*
- *Potrebno je poštovati proceduru korištenja direktnog sporazuma u skladu sa Internim pravilnikom o postupku direktnog sporazuma za nabavku roba, usluga i radova za ugovorni organ Brčko distrikt BiH.*
- *Potrebno je provoditi odredbe Pravilnika o internoj kontroli u Odjeljenju za imovinskopravne poslove Vlade Brčko distrikta BiH.*
- *Potrebno je da se realizacija kapitalnih projekata vrši kontinuirano, u skladu sa odobranim sredstvima budžeta u tekućoj godini, čime će se stvoriti pretpostavke za efikasno trošenje budžetskih sredstava.*
- *Dosljedno primijeniti odredbe Zakona o budžetu Brčko distrikta BiH, u dijelu rokova predviđenih za trošenje budžeta kapitalnih potreba.*
- *Potrebno je realno planirati prihode, odnosno na osnovu ostvarenja za prethodnu godinu.*
- *Potrebno je da Odjeljenje, mjesečno vrši usaglašavanje stanja naplaćenih prihoda po vrstama, sa evidencijama naplaćenih prihoda u računovodstvu.*

NALAZI I PREPORUKE IZVJEŠTAJA O OBAVLJENOJ REVIZIJI FINANSIJSKOG POSLOVANJA ODJELJENJA ZA PROSTORNO PLANIRANJE I IMOVINSKOPRAVNE POSLOVE ZA 2010. GODINU

1. UVOD

Obavili smo reviziju finansijskog poslovanja Odjeljenja za prostorno planiranje i imovinskopravne poslove za 2010. godinu na osnovu ovlaštenja datih Zakonom o reviziji javne uprave i institucija u Brčko distriktu BiH (Službeni glasnik Brčko distrikta BiH, broj 40/08). Ured za reviziju javne uprave i institucija u Brčko distriktu BiH četvrti puta vrši reviziju finansijskog poslovanja Odjeljenja, te ima prethodno iskustvo sa klijentom.

2. OPĆIDIO

Odjeljenje za prostorno planiranje i imovinskopravne poslove Vlade Brčko distrikta BiH (u daljnjem tekstu: Odjeljenje) u skladu sa Statutom Brčko distrikta BiH, Zakonom o javnoj upravi i Organizacionim planom Vlade Brčko distrikta BiH nadležno je za: prostorno i urbanističko planiranje, izdavanje urbanističkih saglasnosti, izvoda i drugih akata iz nadležnosti Odjeljenja, zaštitu životne sredine i ekološke dozvole, legalizaciju bespravno izgrađenih objekata, imovinskopravne poslove, oblast zaštite objekata kulturno i istorijskog značaja i prirodnog naslijeđa sa aspekta izdavanja urbanističke saglasnosti i utvrđivanja procedure za listu zaštićenih objekata i druge poslove iz nadležnosti Odjeljenja određene zakonom i drugim propisima.

Unutrašnja organizacija Odjeljenja utvrđena je Organizacionim planom, a u cilju ostvarenja zakonitog, efikasnog, blagovremenog i ekonomičnog izvršavanja svih poslova iz nadležnosti Odjeljenja, postizanja potpune zaposlenosti, maksimalnog korištenja stručnih kvalifikacija i znanja zaposlenika, potpune odgovornosti zaposlenika i efikasno rukovođenje sistematskog unapređenja rada i saradnje s drugim organima.

Za efikasno izvršavanje poslova iz nadležnosti Odjeljenja organizuju se sljedeći organizacioni dijelovi:

- Pododjeljenje za prostorno planiranje, urbanizam i zaštitu okoliša, u čijem sastavu su dvije službe i to: Služba za prostorno planiranje, urbanizam i zaštitu okoliša i Služba za legalizaciju bespravno izgrađenih građevina i
- Pododjeljenje za imovinskopravne poslove.

3. PREDMET, CILJ I OBIM REVIZIJE

Predmet revizije je finansijsko poslovanje Odjeljenja za 2010. godinu, u dijelu planiranja i izvršenja budžeta, ocjene sistema internih kontrola, kao i usklađenost poslovanja sa zakonskim i drugim relevantnim propisima.

Cilj revizije finansijskog poslovanja Odjeljenja je da omogući revizoru da na osnovu prikupljenih dokaza izrazi mišljenje o tome da li je finansijsko poslovanje obavljeno u skladu s cjelokupnom zakonskom regulativom Brčko distrikta BiH (u daljnjem tekstu: Distrikta), kao i planiranim pozicijama budžeta. Revizija je planirana i izvršena s ciljem pribavljanja realne osnove da li finansijsko poslovanje Odjeljenja odražava realnu sliku poslovanja tokom godine i stanja na kraju godine. Revizija će utvrditi da li su poduzete sve mjere za namjensko trošenje budžetskih izdataka za svrhe za koje je dato ovlaštenje donošenjem budžeta, postizanje transparentnosti i zakonitosti u radu, kao i javne odgovornosti šefa Odjeljenja.

Revizija uključuje davanje nalaza i preporuka za daljnji rad s posebnim naglaskom na što efikasniju i ekonomičniju zaštitu imovine i trošenje javnih sredstava putem jačanja internih kontrola.

Obim revizije je utvrđen internim planskim dokumentima revizije.

S obzirom da se revizija obavlja provjerama na bazi uzorka i da postoje inherentna ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške mogu ostati neotkrivene.

4. OSVRT NA NALAZE I PREPORUKE REVIZIJE

Na osnovu izvršene revizije finansijskog poslovanja za 2010. godinu možemo konstatovati **da je** Odjeljenje postupilo po preporukama nakon obavljene revizije za 2009. godinu, u dijelu:

- donošenja Plana aktivnosti vezanih za isplatu naknada za izuzeto zemljište koji bi obezbijedio efikasnu realizaciju sredstava budžeta kapitalnih potreba,
- donošenja izmijenjenog Organizacionog plana Odjeljenja, u dijelu usklađivanja radnog iskustva,
- analitičkog planiranja ugovorenih obaveza,
- praćenja poštovanje rokova isporuke roba i usluga u skladu sa Ugovorom, u slučaju prekoračenja ugovorenog roka za dane kašnjenja izvršen je obračun penala,
- dostavljanja Direkciji za finansije izvještaja o naplati svih vrsta prihoda do 5. u mjesecu za prethodni mjesec.

Odjeljenje **nije** postupilo po preporuci, koja se odnosi na mjesečno usaglašavanje stanja naplaćenih prihoda po vrstama sa evidencijama naplaćenih prihoda u računovodstvu.

5. NALAZI I PREPORUKE

5.1. Rukovodstvo i sistem internih kontrola

Izvršena je procjena funkcionisanja internih kontrola kako bi se uvjerali da li uspostavljene interne kontrole osiguravaju tačnu i potpunu računovodstvenu evidenciju, potpunu primjenu i usklađenost sa zakonskim propisima, ekonomično, efikasno i efektivno trošenje i zaštitu javnog novca.

Provedenom revizijom finansijskog poslovanja za 2010. godinu, izvršeno je sagledavanje rada Odjeljenja sa aspekta:

- sistema internih kontrola i rezultata finansijskog poslovanja,
- organizacije rada i efikasnosti upravljanja finansijskim sredstvima,
- pouzdanosti informacija o finansijskom poslovanju.

Revizijom su utvrđene određene slabosti u sistemu internih kontrola koje se ogledaju u nedosljednoj primjeni zakonskih propisa, u dijelu: planiranja bruto plata, primjene propisa o javnim nabavkama, korištenju budžeta kapitalnih potreba, izdataka za reklamu i poklone, kao i planiranju i kontroli ostvarenih prihoda.

Provjerom realizacije Programa rada za 2010. godinu utvrđeno je da isti nije realizovan, u dijelu: blagovremene izrade i usvajanja prostorno-planske dokumentacije (regulacioni planovi), izrade pravilnika o katastru zagađivača, izrade pravilnika o uslovima za obavljanje djelatnosti pravnih lica iz oblasti životne sredine, izrade pravilnika o graničnim vrijednostima kvaliteta vazduha, izmjene Pravilnika o graničnim vrijednostima emisija zagađujućih materija u vazduhu, izrade zakonskih i podzakonskih akata iz oblasti zaštite kulturno-istorijskog i privrednog naslijeđa, uspostavljanja ažurne baze podataka o svim objektima prema utvrđenoj klasifikaciji vrijednosti, usvajanja strategije za zaštitu životne sredine, preduzimanja svih

potrebnih aktivnosti na formiranju Zavoda za planiranje, projektovanje i izgradnju Distrikta u skladu sa Strategijom razvoja Distrikta 2008. – 2012. godina, rješavanja imovinskopravnih odnosa s ciljem realizacije sljedećih projekata iz kapitalnog budžeta Brčko distrikta BiH: izgradnja obilaznice oko grada Brčko, rekonstrukcija postojećeg i izgradnja planiranog dijela ulice u stambenom naselju "Ivici", izgradnja dijela planirane ulice – ogranak ulice Milana Hadžiristića, stambeno naselje "Grčica", izgradnja fekalne kanalizacione mreže u mjesnoj zajednici "Brod", izgradnja ulice (spoj Ivana Meštrovića – Klanac 1), stambeno naselje "Klanac", zamjenska izgradnja kanalizacionog sistema za ambulantu i dom u mjesnoj zajednici "Ražljevo", rekonstrukcija dijela postojeće ulice Ćumurovića, stambeno naselje "Mujkići", izgradnja primarnog distributivnog cjevovoda vodovodne mreže-trasa II u naselju Vučilovac, izgradnja fekalne kanalizacije i prečistača otpadnih voda u stambenom naselju "Ćoseti", izgradnja 10 (20) kV podzemnog kablovskog voda od ABS postojećeg 10 kV vazdušnog voda do postojećeg ŽTS 10/0,4 kV "Ograđenovac 2" umjesto dijela postojećeg 10 kV vazdušnog voda, izgradnja kanalizacione mreže u stambenom naselju Ivici – Broduša u Brčkom.

Radi efikasnosti u radu, potrebno je realizovati programske zadatke Odjeljenja u tekućoj godini.

5.2. Planiranje i izvršenje tekućih izdataka budžeta

Planirana sredstva operativnog budžeta za 2010. godinu iznose 2.121.837,84 KM, a izvršenje iznosi 1.466.671,97 KM, ili 69,12%. Struktura planiranih i izvršenih tekućih izdataka nalazi se u tabeli broj 1 koja je u prilogu Izvještaja. Nizak procent operativnog budžeta na poziciji ugovorenih usluga, izdataka za tekuće održavanje i nabavku materijala i sitnog inventara je zbog spore realizacije ugovora koji se odnose na izradu regulacionih planova iz ranijeg perioda, a koji su u skupštinskoj proceduri, regulacionih planova čija je izrada u toku i nepokretanja procedure izrade regulacionih planova zbog nedonošenja pravilnika o ličnim licencama, zatim, zbog nemogućnosti isporuke u cijelosti kancelarijskog materijala od strane dobavljača i nerealizacije redovnog servisiranja aparata za mjerenje kvaliteta zraka.

Bruto plate i naknade planirane su u iznosu od 1.244.292,21 KM, a ostvarene u iznosu od 1.183.484,48 KM, ili 95,11%. Organizacionim planom u Odjeljenju je predviđeno 55 zaposlenika (sa 5 pripravnika), usvojenim budžetom odobrena su sredstva za 49 zaposlenika. Revizijom je utvrđeno da je na dan 31. 12. 2010. godine u Odjeljenju bilo 47 zaposlenika (5 pripravnika je prešlo u Kancelariju gradonačelnika).

Nije vršeno pravilno planiranje izdataka za bruto plate, u smislu više planiranja sredstava na ime doprinosa za PIO na teret poslodavca i neizostavljanja plata zaposlenika kojima je radno mjesto nepopunjeno ili neće biti popunjeno određeni broj mjeseci u toku godine, a što je suprotno članu 14 Zakona o budžetu Brčko distrikta BiH i članu 2, 4 i 5 Pravilnika o načinu pripreme zahtjeva za izradu budžeta Brčko distrikta BiH.

Potrebno je planirati sredstva za bruto plate u skladu sa Zakonom o budžetu Brčko distrikta BiH i Pravilnikom o načinu pripreme zahtjeva za izradu budžeta Brčko distrikta BiH.

Nabavka materijala i sitnog inventara planirana je u iznosu od 33.453,49 KM, a ostvarena je u iznosu od 19.545,89 KM, što čini 58,43% izvršenja i odnosi se na izdatke za obrasce i papir, izdatke za kompjuterski materijal, sitan inventar, materijal za čišćenje i ostali materijal. Revizijom dijela izdataka za kompjuterski materijal u iznosu od 2.706,62 KM nismo se uvjerali da je vršeno provjeravanje situacije na odgovarajućem tržištu roba, usluga ili radova, posebno tržišnu cijenu i da je sačinjena službena zabilješka, što je suprotno članu 2 Internog pravilnika o postupku direktnog sporazuma za nabavku roba, usluga i radova za ugovorni organ Brčko distrikta BiH.

Potrebno je poštovati proceduru korištenja direktnog sporazuma u skladu sa Internim pravilnikom o postupku direktnog sporazuma za nabavku roba, usluga i radova za ugovorni organ Brčko distrikta BiH.

Izdaci za usluge reprezentacije planirani su u iznosu od 6.000,00 KM, a ostvareni su u iznosu od 5.707,60 KM, ili 95,13%. Provjerom računa za eksternu reprezentaciju nije se moglo utvrditi u kojim prilikama su korištena navedena sredstva, odnosno da li je u pitanju zvanični sastanak, službena posjeta, obilježavanje praznika i slično, a što nije u skladu s članom 3 stavom 2 Pravilnika o internoj kontroli u Odjeljenju za prostorno planiranje i imovinskopravne poslove Vlade Brčko distrikta BiH.

Nije poštovana procedura korištenja direktnog sporazuma, a što je suprotno članu 2 Internog pravilnika o postupku direktnog sporazuma za nabavku roba, usluga i radova za ugovorni organ Brčko distrikta BiH.

Dosljedno provoditi odredbe Pravilnika o internoj kontroli u Odjeljenju za prostorno planiranje i imovinskopravne poslove Vlade Brčko distrikta BiH i Internog pravilnika o postupku direktnog sporazuma za nabavku roba, usluga i radova za ugovorni organ Brčko distrikta BiH.

Izdaci za reklamni materijal i poklone ostvareni su u iznosu od 2.200,00 KM. Nisu analitički planirana sredstva za poklone, nisu evidentirana lica koja su primila poklone i kojim povodom, a što nije u skladu s članom 6 Pravilnika o internoj kontroli u Odjeljenju za prostorno planiranje i imovinskopravne poslove Vlade Brčko distrikta BiH. Nije poštovana procedura korištenja direktnog sporazuma za nabavku roba, usluga i radova za ugovorni organ Brčko distrikta BiH.

Dosljedno provoditi odredbe Pravilnika o internoj kontroli u Odjeljenju za prostorno planiranje i imovinskopravne poslove Vlade Brčko distrikta BiH i Internog pravilnika o postupku direktnog sporazuma za nabavku roba, usluga i radova za ugovorni organ Brčko distrikta BiH.

5.3. Planiranje i izvršenje budžeta kapitalnih potreba

Planirana sredstva budžeta kapitalnih potreba za 2010. godinu u iznosu od 2.000.000,00 KM, tokom 2010. godine nisu trošena (tabela br. 3 u prilogu izvještaja).

Prenesena sredstva kapitalnih potreba za period 2007. – 2010. godine su 4.826.534,49 KM, a izvršenje iznosi 2.358.339,57 KM, ili 48,86% izvršenja (tabela br. 4 u prilogu izvještaja).

Nerealizovana sredstva budžeta kapitalnih potreba imaju za posljedicu neefikasno korištenje budžetskih sredstava.

Trošenje odobrenog budžeta kapitalnih potreba iz 2007. godine u iznosu od 563.261,60 KM je nastavljeno po isteku 2009. godine (u toku 2010. godine), što je suprotno članu 6 stavu 2 Zakona o budžetu Brčko distrikta BiH.

Potrebno je da se realizacija kapitalnih projekata vrši kontinuirano, u skladu sa odobranim sredstvima budžeta u tekućoj godini, čime će se stvoriti pretpostavke za efikasno trošenje budžetskih sredstava.

Dosljedno primijeniti odredbe Zakona o budžetu Brčko distrikta BiH, u dijelu rokova predviđenih za trošenje budžeta kapitalnih potreba.

5.4. Ostvarenje prihoda

Planirani prihodi za 2010. godinu iznose 421.500,00 KM, a realizovani su u iznosu od 276.316,22 KM, ili 65,56 % (tabela br. 5 u prilogu izvještaja).

Pregledom dostavljene dokumentacije utvrdili smo, da je Odjeljenje sačinjavalo mjesečne Izvještaje o ostvarenim prihodima po vrstama i dostavljalo Direkciji za finansije Brčko distrikta BiH. Revizijom smo, također ustanovili neslaganja u naplaćenim prihodima prikazanim u pomoćnim evidencijama Odjeljenja, sa evidencijama u Glavnoj knjizi trezora.

Potrebno je realno planirati prihode, odnosno na osnovu ostvarenja za prethodnu godinu.

Potrebno je da Odjeljenje, mjesečno vrši usaglašavanje stanja naplaćenih prihoda po vrstama, sa evidencijama naplaćenih prihoda u Glavnoj knjizi trezora.

6. KOMENTAR

Odjeljenju za prostorno planiranje i imovinsko pravne poslove uručen je Nacrt izvještaja o reviziji finansijskog poslovanja za period 1. 1. - 31. 12. 2010. godine na razmatranje i dostavljanje eventualno novih dokaza i komentara na nalaze revizije.

U ostavljenom roku od 15 dana Odjeljenje se izjasnilo dopisom broj: 06-0341SC-01/11 od 9. 5. 2011. godine i nije imalo primjedbi, tako da nacrt bez korekcija postaje konačan revizorski izvještaj.

Tim za reviziju:

Božo Zimonjić, dipl. oec.

Began Čaušević, dipl. oec.

PRILOZI

Struktura planiranih i izvršenih tekućih izdataka po pozicijama

Tabela br. 1

R. br.	Šifra ekonomskog koda	Naziv ekonomskog koda	Planirani iznos	Realizovani iznos	Indeks (5:4)100
1.	2	3	4	5	6
	611100	Bruto plate	1.199.050,20	1.149.930,74	95,90
2.	611200	Naknade troškova zaposlenih	8.000,00	1.286,00	16,08
3.	612100	Doprinosi poslodavca i ostali doprinosi	37.242,01	33.553,74	90,10
4.	613100	Putni troškovi	8.200,00	6.737,67	82,17
5.	613200	Izdaci za energiju	7.000,00	6.338,54	90,55
6.	613300	Izdaci za komunalne usluge	4.885,00	4.376,17	89,58
7.	613400	Nabavka materijala i sitnog inventara	33.453,49	19.545,89	58,43
8.	613500	Izdaci za usluge prevoza i goriva	7.077,00	6.267,79	88,57
9.	613700	Izdaci za tekuće održavanje	7.886,00	4.169,34	52,87
10.	613800	Izdaci osig., bank. usluga i pl. prometa	5.816,87	5.716,29	98,27
11.	613900	Ugovorene usluge	811.227,27	230.035,80	28,36
-	Ukupno	-	2.121.837,84	1.466.671,97	69,12

Izvještaj o godišnjem izvršenju budžeta po ekonomskim kodovima

Tabela br. 2

R. br.	Ekonomski kod	Prvobitno usvojen budžet	Rebalans ili amandmani tekućeg budžeta	Unutrašnja preraspodjela	Konačan budžet	Ostvareno u tekućem periodu
1	2	3	4	5	6	7
1.	Bruto plate	1.268.421,00	-77.370,80	-	1.191.050,20	1.148.644,74
2.	Naknade troškova zaposlenih	8.000,00	-	-	8.000,00	1.286,00
3.	Doprinosi poslodavca i ostali doprinosi	50.736,84	-13.494,83	-	37.242,01	33.553,74
4.	Putni troškovi	5.000,00	-	+3.200,00	8.200,00	6.737,67
5.	Izdaci za energiju	6.000,00	+1.000,00	-	7.000,00	6.338,54
6.	Izdaci za komunalne usluge	5.390,00	-505,00	-	4.885,00	4.376,17
7.	Nabavka materijala i sitnog inventara	34.500,00	-	-1.046,51	33.453,49	19.545,89
8.	Izdaci za usluge prevoza i goriva	9.000,00	-1.923,00	-	7.077,00	6.267,79
9.	Izdaci za tekuće održavanje	28.500,00	-20.614,00	-	7.886,00	4.169,34
10.	Izdaci osig., bankarskih usluga i platnog prometa	8.000,00	-	-2.183,13	5.816,87	5.716,29
11.	Ugovorene usluge	820.190,00	-8.992,37	+29,64	811.227,27	230.035,80

-	Ukupno	2.243.737,84	-121.900,00	-	2.121.837,84	1.466.671,97
---	--------	--------------	-------------	---	--------------	--------------

Struktura planiranih i izvršenih kapitalnih izdataka u 2010. godini

Tabela br. 3

R. br.	O p i s	Planirano	Ostvareno	Indeks (4:3)100
1.	Eksproprijacija zemljišta (520.000,00 KM se odnosi na redovne i već započete postupke u 2009. godini, a 480.000,00 KM za potrebe obilaznice)	1.000.000,00	-	-
2.	Eksproprijacija zemljišta za potrebe izgradnje obilaznice (projekt iz 2006. godine)	1.000.000,00	-	-
-	Ukupno	2.000.000,00	-	-

Prikaz prenesenih sredstava za kapitalne projekte po godinama

Tabela br. 4

Godina	Prenesena sredstva	Planirano	Izvršeno	Neizvršeno na dan 31. 12. 2010. godine
1	2	3	4	5
2007.	-	2.615.684,49	2.274.304,46	341.380,03
2008.	341.380,03	160.850,00	84.035,11	418.194,92
2009.	418.194,92	50.000,00	-	468.194,92
2010.	468.194,92	2.000.000,00	-	2.468.194,92
Ukupno	1.227.769,87	4.826.534,49	2.358.339,57	-

Prikaz planiranih i ostvarenih prihoda po vrstama

Tabela br. 5

R. br.	Vrsta prihoda	Planirano	Ostvareno	Indeks (4:3)100
1	2	3	4	5
1.	Prihodi od izdatih sanitarnih saglasnosti (721132)	-	625,00	-

2.	Ostali prihodi od imovine (721231)	-	58.758,15	-
3.	Prihodi od prodaje prava građenja u postupku legalizacije (721234)	-	14.587,67	-
4.	Taksa za izdavanje građevinskih dozvola- (722121)	15.000,00	2.371,00	15,81
5.	Taksa za izdavanje urbanističke saglasnosti (722122)	20.000,00	13.844,98	69,22
6.	Taksa za izdavanje izvoda iz urbanističkog plana (722124)	-	60,00	-
7.	Taksa za izdato odobrenje za legalizaciju bespravno izgrađenih objekata (722128)	1.500,00	990,00	66,00
8.	Administrativne takse Poreske uprave (722132)	-	80,00	-
9.	Ostale administrativne takse (722135)	46.000,00	8.918,00	19,39
10.	Taksa za izdavanje protivpožarne saglasnosti na projektnu dokumentaciju (722151)	-	400,00	-
11.	Komunalne takse za legalizaciju bespravno izgrađenih građevina (722322)	4.000,00	2.560,00	64,00
12.	Naknada za uređenje građevinskog zemljišta u procesu legalizacije bespravno izgrađenih građevina (722427)	300.000,00	167.911,42	55,97
13.	Prihodi od izdatih putnih saglasnosti (722653)	35.000,00	5.210,00	14,89
-	Ukupno	421.500,00	276.316,22	65,56